

Saxoniae Superioris Ducatus: simul cum Misnia & Lusatia.

Regio.
Sicilis.

Urbs VVitem-
berga.

AD Saxoniam Superiorem, pervenimus, Octavum Circulum Imperii. Saxonia enim dividitur in Superiorem & Inferiorem. Superior hic quam hæc Tabula exhibet, nobis describenda, De Inferiore ad Tabulam XIV Germaniae egimus. Quæ ibi de Saxonia diximus, hic repetere nolumus, ne Lectori tardium pariant. *Saxonia Superior*, vulgo *Ober Saxon*, quæ titulo Ducatus ornatur, cuiusque Dux est unus ex illis Principibus qui Imperatorum electionibus præsunt, ab ortu antiquam Marchiam: ab Occidente Hassiam respicit: Qua Meridies est Turingia & Misnia iacent: qua Septentrio Ducatus Brunsvicensis. Primariam habet Urbem *VVittenbergam* ad Albim sitam, Hæc a *VVidechindo* i exstructa est: alij adscribunt *VVidechindo* Filio eius, atq; a *VVidechindo* vel Patre vel Filio *VVittenbergam* dictam putant. Gymnasium habet erectum a Duce *Friderico*, anno *MDCCCII*. Quam Academiam alter *Fridericus* ita ornavit, ut ex frigida, teste *Erasmo*, celebris evaderet. *Petrus Mosellanus*, *Fridericus*, inquit, *VVittenbergam* suam, omnigenarum artium, maxime trium Linguarum Professoribus sic instituit, sic adornavit, ut optime constituti Gymnasij exemplar hinc petere possis. In quo *Henningus* & *Oldendorpius* Iurisconsulti, scriptis apud Germanos celebres floruerunt. Memorabile est, quod de purgatione per ferrum candens in hac Civitate accidisse *Albertus Crantzius* in sua *VVandalia* commemorat lib. VI II. cap. xxx. Incendium ædium furtim procuratum imponebatur in hoc Opido innocenti: ille sancte iurans eius se culpæ non esse affinem, purgationem asserbat vulgarem de ignito ferro, quam iuribus interdictam, aut ignorare, aut contemplare, qui iudicio præerant Laici. Ferrum ergo ignitum ille deportat itinere non parvo: tum manibus excutiens nihil læsionis præferbat. Evanuit ferrum ex oculis mirantium omnium. Annus pene totus intercesserat, cum alius iam silicibus viam straturus in Opido publicam, in arena loci manum vertit, & invento ferro adhuc ignescente dextram adurit. Mirati qui adstiterunt, rem perferunt loci Præfecto. Illi mox incidit suspicio, illum esse hominem criminis reum, quod innoxio imponebatur: mox iubet ad quæstionem abripi, confitetur crimen, & ultimo supplicio, fractis rota cruribus, interimitur: ita divino iudicio est proditus noxius. Extrahet etiam Historia de candentis ferri purgatione, quam *Genildis Henrici III* coniux subiit: quæ cum ab æmulo quodam adulterii accusaretur, iudicio candentis ferri se purgavit. Non absimile purgationis genus eos usurpasse apud *Georgium Cedrenum* invenio, quos virgines corrupisse, aut quæ corruptæ essent, erat suspicio. Nonnulli etiam in hac Superiore Saxonia *Torgam* locant, quam alij in Misnia ponunt. Cum Saxonia tanquam partes eius explicantur Misnia & Lusatia, de quibus, cum præsens Tabula eas quoque deliniet, pauca atrexamus.

Misnia.